



**KVARTALNI
EKONOMSKI TRENDОВИ
FEDERACIJE BOSNE I
HERCEGOVINE
1Q 2024**

KVARTALNI EKONOMSKI TRENDovi

FEDERACIJE BOSNE I HERCEGOVINE

1Q 2024

SADRŽAJ

LISTA GRAFIKONA	4
LISTA TABELA	4
IZVRŠNI SAŽETAK.....	5
1. MEĐUNARODNO OKRUŽENJE	6
2. REALNI SEKTOR	9
2.1. Bruto domaći proizvod.....	9
2.2. Industrijska proizvodnja.....	10
2.3. Građevinarstvo.....	11
2.4. Trgovina	13
2.5. Ostale uslužne djelatnosti.....	14
2.6. Turizam	14
2.7. Zaposlenost	15
2.8. Plate	17
3. CIJENE.....	18
4. TRGOVINSKA RAZMJENA FBIH SA INOZEMSTVOM.....	20
5. FISKALNA POLITIKA	22
5.1. Prihodi od indirektnih poreza	22
5.2. Prihodi od direktnih poreza	22
5.3. Udio javnih prihoda i prihoda od poreza u BDP-u	24
6. FINANSIJSKO TRŽIŠTE	25
6.1. Profitabilnost banaka.....	25
6.2. Efektivna kamatna stopa.....	25
6.3. Krediti.....	26
6.4. Koncentracija bankarskog tržišta	26

LISTA GRAFIKONA

Grafikon 1: Kretanje BDP-a EU i ekonomija sa kojima FBiH ostvaruje najveći udio u izvozu, Q/Q-1.....	6
Grafikon 2: Eurozone Composite PMI indeks (Kompozitni indeks menadžera nabavke).....	6
Grafikon 3: Kretanje cijena u EU i odabranim zemljama (HICP – godišnja stopa promjene) – LIJEVO; Doprinos godišnjoj inflaciji Eurozone po grupacijama (u procentnim poenima) - DESNO.....	7
Grafikon 4: Kretanje cijena energenata na tržištu	7
Grafikon 5: Kretanje industrijskih roba na tržištu	8
Grafikon 6: Kretanje EURIBOR kamatnih stopa.....	8
Grafikon 7: Stope realnog rasta, cijene 2015. godine	9
Grafikon 8: Industrija ukupno, januar 2019. - mart 2024.	10
Grafikon 9: Indeksi proizvodnje u građevinarstvu, kvartalne vremenske serije, ukupno	11
Grafikon 10: Broj noćenja turista	15
Grafikon 11: Administrativni podaci broja zaposlenih, nezaposlenih.....	15
Grafikon 12: Stopa aktivnosti, stopa zaposlenosti, stopa nezaposlenosti i anketni broj zaposlenih, nezaposlenih i neaktivnih osoba	16
Grafikon 13: Iznos neto, bruto i realne plate	17
Grafikon 14: Kretanje indeksa potrošačkih cijena (CPI)*.....	18
Grafikon 15: Kretanje cijena proizvođača industrijskih proizvoda	19
Grafikon 16: Obim vanjske trgovine Federacije BiH sa inostranstvom (mil. KM).....	20
Grafikon 17: Izvoz i uvoz FBiH po zemljama sa kojima se ostvaruje najveći obim vanjskotrgovinske razmjene	20
Grafikon 18: Prihodi od indirektnih poreza doznačeni FBiH, mil. KM	22
Grafikon 19: Prihodi od direktnih poreza u FBiH, mil. KM	23
Grafikon 20: Isplaćene penzije i doprinosi za PIO (hilj. KM), pokrivenost penzija doprinosima za PIO (%), desna skala	23
Grafikon 21: Udio prihoda u FBiH u BDP-u, %.....	24
Grafikon 22: Neto dobit banaka u FBiH, hilj. KM.....	25
Grafikon 23: Prosječna ponderisana EKS na novoodobrene kredite u FBiH	25
Grafikon 24: Krediti stanovništvu i pravnim licima u FBiH, mlrd. KM.....	26
Grafikon 25: Koncentracija bankarskog tržišta	27
Grafikon 26: Herfindahlov indeks (kreditu)	27

LISTA TABELA

Tabela 1. Kvartalni bruto domaći proizvod, stope realnog rasta	9
Tabela 2. Industrijska proizvodnja, kvartalne stope promjena, Q/Q-1 (sezonski prilagođene).....	10
Tabela 3. Industrijska proizvodnja, kvartalne stope promjena, Q/Q-4 (kalendarski prilagođene).....	11
Tabela 4. Proizvodnja u građevinarstvu, kvartalne stope promjena, Q/Q-1 (sezonski prilagođene)	12
Tabela 5. Proizvodnja u građevinarstvu, kvartalne stope promjena, Q/Q-4 (kalendarski prilagođene)	12
Tabela 6. Trgovina na malo, kvartalne stope promjena, Q/Q-1 (sezonski prilagođene).....	13
Tabela 7. Trgovina na malo, kvartalne stope promjena, Q/Q-4 (kalendarski prilagođene).....	13
Tabela 8. Ostale uslužne djelatnosti, kvartalne stope promjena	14
Tabela 9. Noćenje turista, indeksi, Q/Q-4 (poređenje sa istim periodom prethodne godine)	15

IZVRŠNI SAŽETAK

Nakon perioda stagnacije, ekonomija EU doživjela je blagi oporavak u prvom kvartalu 2024. godine. Stopa rasta od 0,3% procijenjena za prvi kvartal 2024. godine, označavajući kraj blage recesije koja je zahvatila drugu polovicu prošle godine. Godišnja stopa rasta BDP-a u EU u prvom kvartalu 2024. godine iznosila je 0,6% (u odnosu na prvi kvartal prethodne godine). Zabilježen je sporiji rast cijena u zemljama EU, ali je inflacija i dalje visoka u državama ključnim izvoznim partnerima FBiH, što se negativno odrazilo na međusobnu vanjskotrgovinsku razmjenu, gdje je zabilježen značajniji pad izvoza u odnosu na isti kvartal prethodne godine (za 12,0%).

Cijene energenata i glavnih industrijskih proizvoda na međunarodnom tržištu pokazuju otpornost, ali ostaju pod pritiskom globalnih geopolitičkih faktora.

Bruto domaći proizvod (BDP) FBiH pokazuje umjereni realni rast, iako su određeni sektori poput prerađivačke industrije zabilježili pad, i u prvom kvartalu 2024. godine, u odnosu na isti kvartal prethodne godine, iznosi 3,0%. Smanjenje tražnje EU i na tržištima naših glavnih trgovinskih partnera, uslovljava nastavak pada obima industrijske proizvodnje u prvom kvartalu 2024. godine. U martu 2024. godine, zabilježen je pad za 9,3% u odnosu na mart 2023. godine.

U prvom kvartalu 2024. godine, zabilježen je nastavak trendova rasta indeksa u građevinarstvu, u prometu trgovaca na malo, u turizmu i u ostalim uslužnim djelatnostima.

Na tržištu rada zabilježeni su pozitivni trendovi, uprkos skromnom rastu ekonomske aktivnosti i padu industrijske proizvodnje. Odlazak mladih iz zemlje, zajedno s rastućim brojem osoba starijih od 65 godina, objašnjava usporavanje rasta zaposlenosti i brži pad nezaposlenosti. Anketni podaci pokazuju smanjenje stope aktivnosti i zaposlenosti u odnosu na prethodni kvartal, ali rast u odnosu na isti period prethodne godine. Nastavljen je trend rasta nominalnih i realnih plata.

U prvom kvartalu 2024. godine, FBiH bilježi rast javnih prihoda (i indirektnih i direktnih), sa ukupnim udjelom u BDP-u od 24,84% (za 0,5 pp višim udjelom u odnosu na isti kvartal prethodne godine).


U strukturi direktnih poreza, u prvom kvartalu 2024. godine najveći udio imaju doprinosi za PIO (56%). Iako je zabilježen rast prihoda od doprinosa u odnosu na isti kvartal prethodne godine, i dalje postoje izazovi u vezi s pokrivenošću penzija doprinosima za PIO (prisutan deficit u finansiranju).

Finansijski sistem u FBiH, u prvom kvartalu 2024. godine, je stabilan. Sve banke sa sjedištem u Federaciji BiH su poslovale pozitivno. U prvom kvartalu bilježi se rast kredita i stanovništvu i privredi, uz relativno nepromjenjenu prosječnu ponderisanu efektivnu kamatnu stopu.

1. MEĐUNARODNO OKRUŽENJE

Ekonomska aktivnost u EU je stagnirala od četvrtog kvartala 2021. godine, usljed pooštrenih uslova finansiranja, te geopolitičkih nestabilnosti koje su uzrokovane ratovima u Ukrajini i na Bliskom istoku. Trend se nastavio i u prvom kvartalu 2024. godine kada su ekonomije EU ostvarile rast od 0,3% u odnosu na prethodni kvartal (grafikon 2). U odnosu na isti kvartal prethodne godine, zabilježena je godišnja stopa rasta u EU od 0,6%.

Grafikon 1: Kretanje BDP-a EU i ekonomija sa kojima FBiH ostvaruje najveći udio u izvozu, Q/Q-1




Izvor: EUROSTAT

Po zemljama u koje FBiH najviše izvozi, najveći rast BDP-a u prvom kvartalu 2024. godine u odnosu na prethodni kvartal zabilježen je u Hrvatskoj (1,0%), te Njemačkoj i Austriji (po 0,2%). U odnosu na isti kvartal prethodne godine, najveći rast BDP-a zabilježen je u Hrvatskoj (3,9%), Sloveniji (1,8%), Italiji (0,6%), dok je u u Njemačkoj i Austriji zabilježen pad od 0,1% i 1,3% respektivno. Usporen rast i pad ekonomske aktivnosti u zemljama partnerima negativno se odražava na izvoz i industrijsku proizvodnju u FBiH.

Na nivou eurozone Kompozitni indeks menadžera nabavke¹ (Purchasing managers Index – PMI) zabilježio je blago poboljšanje u prvom kvartalu 2024. godine, kada je u martu dostigao vrijednost od 50,32, nakon zabilježenih vrijednosti od 47,9 i 49,2 za januar i februar respektivno, a kao rezultat snažnog rasta aktivnosti u uslužnom sektoru.

Grafikon 2: Eurozone Composite PMI indeks (Kompozitni indeks menadžera nabavke)




Izvor: <https://www.investing.com/economic-calendar/s-p-global-composite-pmi-1491>

¹ Vrijednost indeksa PMI (engl. Purchasing Manager Index) iznad 50 označava ekspanziju, dok vrijednost ispod 50 označava kontrakciju ekonomske aktivnosti.

Nakon perioda vrlo visokih stopa inflacije, na kraju prvog kvartala 2024. godine, u EU je zabilježena godišnja stopa rasta cijena od 2,6%, pri čemu je u odnosu na isti mjesec prethodne godine godišnja stopa inflacije (HICP) smanjena za 5,7 pp. Hrana je zauzimala značajno mjesto u rastu cijena do prvog kvartala 2024. godine dok usluge zadržavaju trend značajnog doprinosa ukupnom rastu cijena. Najveći doprinos ukupnom rastu cijena u eurozoni, u martu 2024. godine, zabilježen je za kategoriju usluga (1,8 pp), te za kategorije hrane (0,3 pp) i neenergetskih industrijskih proizvoda (0,2 pp).

U zemljama sa kojima FBiH ostvaruje najveći obim vanjskotrgovinske razmjene, zabilježen je rast cijena. U Njemačkoj i Hrvatskoj u martu mjesecu 2024. godine zabilježena je godišnja inflacija od 2,3% i 4,9% respektivno.


Grafikon 3: Kretanje cijena u EU i odabranim zemljama (HICP – godišnja stopa promjene) – lijevo; Doprinos godišnjoj inflaciji Eurozone po grupacijama (u procentnim poenima) - desno



Izvor: EUROSTAT

Uprkos izraženim geopolitičkim tenzijama, međunarodno tržište energenata je u prva tri mjeseca 2024. godine iskazalo visok stepen otpornosti. Cijena barela nafte tipa Brent je na kraju marta mjeseca 87,42 američkih dolara, što je 9,4% više u odnosu na kraj istog mjeseca prethodne godine (grafikon 4).


Grafikon 4: Kretanje cijena energenata na tržištu



Umjereni rast cijena nafte je posljedica poboljšanih ekonomskih pokazatelja SAD i Kine, najvećih potrošača nafte u svijetu. Cijene prirodnog gasa na (TTF) su u blagom porastu tokom prvog kvartala, a na kraju marta trgovalo se po cijeni od 27,37 EUR/MW. U odnosu na isti period prethodne godine cijena je niža za 57,1%, što je posljedica toplijeg vremena koje je dovelo do smanjena potražnje za gasom, i zbog punjenosti evropskih skladišta gasa.

Izvor: <https://tradingeconomics.com>

Grafikon 5: Kretanje cijena industrijskih roba na tržištu




Cijene odabranih industrijskih roba na tržištu tokom prvog kvartala 2024. godine u prosjeku ne pokazuju značajnije oscilacije. Cijena bakra na kraju marta mjeseca iznosila je 4,05 američkih dolara po funti (1 funta = 0,453592 kg), i u odnosu na kraj marta prethodne godine niža je za 1,0%, dok su cijene čelične armature i aluminija niže za 20,2% i 3,1% respektivno.

Izvor: <https://tradingeconomics.com>

Ključne kamatne stope Evropske centralne banke tokom prvog kvartala 2024. godine ostale su na istom nivou, nakon povećanja za 0,25 indeksnih poena u septembru 2023. godine. Usljed nastavka restriktivne finansijske politike, zabilježeno je i povećanje EURIBOR kamatnih stopa. Na kraju prvog kvartala, 12-mjesečni EURIBOR iznosio je 3,744%, što je za 0,428 pp više u odnosu na mart prethodne godine, dok je 6-mjesečni EURIBOR iznosio 3,912%, za 0,6 pp više u odnosu na mart prethodne godine.

Grafikon 6: Kretanje EURIBOR kamatnih stopa




Izvor: <https://www.euribor-rates.eu/>

2. REALNI SEKTOR

2.1. Bruto domaći proizvod

Ekonomska aktivnost FBiH bilježi trend oporavka od COVID krize nakon čega dolazi do ponovnog usporavanja rasta. U prvom kvartalu 2024. godine nastavljen je rast ekonomske aktivnosti u FBiH.

Grafikon 7: Stope realnog rasta, cijene 2015. godine



Izvor: Federalni zavod za statistiku

Realni rast BDP-a u prvom kvartalu u 2024. godine u odnosu na isti kvartal prethodne godine iznosi 3,0% (Tabela 1). Posmatrano po područjima KD BiH 2010, značajniji realni rast bruto dodane vrijednosti u prvom kvartalu zabilježen je u djelatnostima: Trgovina na veliko i na malo, Prijevoz i skladištenje, Djelatnosti pružanja smještaja te pripreme i usluživanja hrane (G,H,I zajedno) od 10,2%, Informacije i komunikacije (J) 8,8% te Finansijske djelatnosti i djelatnosti osiguranja (K) 6,3%.

Realni pad bruto dodane vrijednosti zabilježen je u djelatnostima Vađenje ruda i kamena, Prerađivačka industrija, Proizvodnja i snabdijevanje električnom energijom, Snabdijevanje vodom (B,C,D,E) zbirno od 3,9%, od kojih je u Prerađivačkoj industriji (C) pad od 4,8%.

Tabela 1. Kvartalni bruto domaći proizvod, stope realnog rasta


	2021				2022				2023 ¹⁾				2024 ¹⁾				
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4	
Nedesezonirani podaci, Q/Q-4	3,1	13,4	8,7	7,5	6,6	5,6	3,0	1,7	1,1	0,8	2,9	2,5	3,0				
Desezonirani podaci, Q/Q-1	3,4	1,1	1,5	1,7	1,5	0,6	-0,6	0,5	0,5	0,5	1,2	0,4	0,9				
Finalni trend, Q/Q-1	1,0	0,7	0,7	1,0	0,9	0,3	-0,2	0,1	0,4	0,6	0,8	0,7	0,6				

Izvor: Federalni zavod za statistiku

2.2. Industrijska proizvodnja

Pogoršani ekonomski i industrijski izgledi u EU, dodatno otežani globalnim geopolitičkim nestabilnostima, uticali su na smanjenje tražnje na tržištima naših glavnih trgovinskih partnera, što se ogleda u nastavku pada obima industrijske proizvodnje² u prvom kvartalu 2024. godine. Ukupna desezonirana industrijska proizvodnja u FBiH u martu 2024. godine u odnosu na februar 2024. godine, manja je za 7,5%. U martu 2024. godine, u odnosu na mart 2023. godine, industrijska proizvodnja u FBiH, kalendarski prilagođena, manja je za 9,3% (Grafikon 8).

Grafikon 8: Industrija ukupno, januar 2019. - mart 2024.



Izvor: Federalni zavod za statistiku

U prvom kvartalu 2024. godine, u odnosu na četvrti kvartal 2023. godine, ukupna industrijska proizvodnja, sezonski prilagođena, veća je za 1,5% (Tabela 2). Zabilježeni je rast obima industrijske proizvodnje rezultat je rasta obima proizvodnje u svim glavnim djelatnostima: Rudarstvo (1,1%), Prerađivačka industrija (1,8%) i Proizvodnja i snabdijevanje električnom energijom i plinom (3,8%).

Tabela 2. Industrijska proizvodnja, kvartalne stope promjena, Q/Q-1 (sezonski prilagođene)

	2021				2022				2023				2024			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Industrija ukupno	4,0	1,7	-0,7	1,9	0,9	1,9	-4,4	-0,8	0,0	-1,0	-0,4	-4,3	1,5			
Vađenje ruda i kamena	-0,8	1,6	-4,7	-7,6	3,7	2,9	-3,3	-9,1	-2,4	-0,7	0,8	-4,2	1,1			
Prerađivačka industrija	2,5	5,4	0,4	1,3	3,2	1,0	-4,1	1,5	-1,0	-3,3	0,5	-3,7	1,8			
Proiz. i opskrba el. energijom i plin	12,8	-13,5	-4,0	13,4	-9,4	1,3	-7,4	-5,3	7,0	8,4	-6,1	-6,5	3,8			

Izvor: Federalni zavod za statistiku

² Fizički obim industrijske proizvodnje izražava se indeksom, usklađen je s međunarodnim propisima i izračunava se s pomoću Laspeyresove formule

U prvom kvartalu 2024. godine, u odnosu na prvi kvartal 2023. godine, ukupna industrijska proizvodnja, kalendarski prilagođena, manja je za 4,3% (Tabela 3). Zabilježeni pad obima industrijske proizvodnje rezultat je pada obima proizvodnje u svim glavnim djelatnostima: Rudarstvo (3,4%), Prerađivačka industrija (4,9%) i Proizvodnja i snabdijevanje električnom energijom i plinom (1,0%).

Tabela 3. Industrijska proizvodnja, kvartalne stope promjena, Q/Q-4 (kalendarski prilagođene)


	2021				2022				2023				2024				
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4	
Industrija ukupno	5,8	17,8	10,6	6,7	4,2	4,3	0,1	-2,9	-3,4	-6,2	-2,2	-6,0	-4,3				
Vađenje ruda i kamena	-12,2	-6,0	-5,7	-11,5	-7,6	-5,9	-4,4	-6,6	-11,6	-14,8	-10,9	-6,3	-3,4				
Prerađivačka industrija	6,8	22,6	14,5	9,2	11,4	6,0	1,0	1,2	-2,5	-6,7	-2,3	-7,4	-4,9				
Proiz. i opskrba el. energ. i plin	11,0	13,3	3,4	5,7	-14,8	0,4	-3,7	-19,6	-5,3	1,7	3,2	1,7	-1,0				

Izvor: Federalni zavod za statistiku

2.3. Građevinarstvo

Od kraja 2017. godine indeksi³ proizvodnje u građevinarstvu⁴ imaju stabilan blagi rast. Povoljni pokazatelji za prvi kvartal tekuće godine su nastavak trenda rasta indeksa u građevinarstvu prethodnih kvartala.

Grafikon 9: Indeksi proizvodnje u građevinarstvu, kvartalne vremenske serije, ukupno



Izvor: Federalni zavod za statistiku

³ Indeks za građevinarstvo ukupno je kompozitni indeks koji se izvodi iz indeksa visokogradnje i niskogradnje (Struktura: Objekti visokogradnje 48,3 i Objekti niskogradnje 51,7) u ukupnoj građevinskoj aktivnosti.

⁴ Indeksi proizvodnje u građevinarstvu usklađeni su sa EU propisima i preporukama o publikovanju indeksa proizvodnje u građevinarstvu. U skladu s tim, proizvodnja u građevinarstvu se prikazuje kvartalnom stopom promjene izračunatom iz desezoniranih indeksa i godišnjom stopom promjene izračunatom iz kalendarskih prilagođenih indeksa. Izračunate serije indeksa proizvodnje u građevinarstvu uporedive su s onim koje objavljuje EUROSTAT.

Ukupna desezonirana proizvodnja u građevinarstvu u prvom kvartalu 2024. godine u poređenju sa prethodnim kvartalom je nepromijenjena. Posmatrano prema vrsti građevinskih objekata, u istom periodu na objektima visokogradnje zabilježen je rast od 0,1%, a na objektima niskogradnje pad od 0,1% (Tabela 4).

Tabela 4. Proizvodnja u građevinarstvu, kvartalne stope promjena, Q/Q-1 (sezonski prilagođene)

	2021				2022				2023				2024				
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4	
Ukupno	1,4	0,9	0,6	0,7	-0,4	0,7	0,4	0,2	0,8	0,3	0,5	0,4	0,0				
Visokogradnja	0,7	0,7	0,1	0,2	-0,1	0,2	0,2	0,3	0,2	0,1	0,1	0,0	0,1				
Niskogradnja	1,9	0,9	1,1	1,1	-0,7	1,1	0,6	0,0	1,5	0,5	0,9	0,6	-0,2				

Izvor: Federalni zavod za statistiku

Ukupna kalendarski prilagođena proizvodnja u građevinarstvu u prvom kvartalu 2024.godine u poređenju sa prvim kvartalom 2023. godine veća je za 1,1%. Posmatrano prema vrsti građevinskih objekata, u istom periodu na objektima visokogradnje zabilježen je rast od 0,5%, a na objektima niskogradnje rast od 1,8% (Tabela 5).

Tabela 5. Proizvodnja u građevinarstvu, kvartalne stope promjena, Q/Q-4 (kalendarski prilagođene)

	2021				2022				2023				2024				
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4	
Ukupno	2,9	4,2	4,7	3,8	0,6	1,0	1,6	1,1	2,1	1,5	2,0	2,1	1,1				
Visokogradnja	1,6	3,4	2,3	1,7	0,3	0,2	0,2	0,9	1,3	0,8	0,4	0,1	0,5				
Niskogradnja	4,4	4,8	7,0	5,7	1,0	1,7	2,9	1,3	2,9	2,1	3,4	3,9	1,8				

Izvor: Federalni zavod za statistiku

2.4. Trgovina

Sezonski prilagođeni ukupan promet trgovaca na malo⁵ – oblast 47 realno je rastao za 1,1% u prvom kvartalu 2024. godine u odnosu na četvrti kvartal 2023. godine (Tabela 6).

Tabela 6. Trgovina na malo, kvartalne stope promjena, Q/Q-1 (sezonski prilagođene)

	2021				2022				2023				2024			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Promet trgovaca na malo, nominalno	0,9	4,0	6,7	0,1	8,6	4,3	1,0	2,9	1,2	2,7	3,1	1,9	1,1			
Promet trgovaca na malo, realno	0,3	4,2	5,1	-1,9	3,8	-1,6	-0,6	1,5	1,5	2,0	2,5	2,1	0,9			

Izvor: Federalni zavod za statistiku

Kalendarski prilagođeni ukupan promet trgovaca na malo - oblast 47 realno je porastao za 9,4% u prvom kvartalu 2024. u odnosu prvi kvartal 2023 (Tabela 7).

Tabela 7. Trgovina na malo, kvartalne stope promjena, Q/Q-4 (kalendarski prilagođene)

	2021				2022				2023				2024			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Promet trgovaca na malo, nominalno						21,	14,		10,							
Promet trgovaca na malo, realno	-5,5	19,8	19,1	11,5	20,9	3	5	17,5	0	8,1	9,9	9,1	9,4			
	-2,6	19,6	17,0	6,9	11,1	5,9	-0,7	3,2	0,7	4,8	7,1	8,5	7,8			

Izvor: Federalni zavod za statistiku

Ukupan izvorni neprilagođeni promet od trgovine na malo u matu 2024. godine u odnosu na mart 2023. godine rastao je za 8,6%. Najveći uticaj na rast nominalnog neprilagođenog prometa u martu 2024. godine u odnosu na mart 2023. godine imale su: Motorna goriva i maziva u iznosu od 22,5% i uticajem od 3,4%; Apoteke/ljekarne, medicinski i ortopedski proizvodi, kozmetički i toaletni proizvodi u iznosu od 9,8% i uticajem od 0,8%; Ostala trgovina na malo u specijaliziranim prodavnicama u iznosu od 4,4% i uticajem od 0,6%.

⁵ Indeks prometa trgovine na malo, Obuhvata aktivnosti preprodaje robe krajnjim potrošačima za ličnu potrošnju ili upotrebu u domaćinstvima, predstavlja jedan od najznačajnijih ekonomskih pokazatelja čija je svrha pravovremeno pružati informacije domaćim institucijama, donosiocima odluka u našoj zemlji, poslovnim subjektima, istraživačkim ustanovama i široj javnosti, kao i međunarodnim organizacijama. Indeks prikazuje promjene nivoa ostvarenog prometa (nominalne i realne vrijednosti). Primjenjuje se i za procjenu rezultata maloprodajnog sektora, potrošnje stanovništva kao i pri izračunu nacionalnih računa. Nominalni indeksi prikazuju kretanje prometa u tekućim cijenama, a realni indeksi prikazuju kretanje prometa u stalnim cijenama. Realni indeksi dobiveni su deflacioniranjem nominalnih vrijednosti prometa prilagođenim indeksom potrošačkih cijena (CPI-Consumer price Index).

2.5. Ostale uslužne djelatnosti

U prvom kvartalu 2024. godine u odnosu na četvrti kvartal 2023. godine ukupni sezonski prilagođeni promet ostalih uslužnih djelatnosti⁶ rastao je za 9,1 % (Tabela 8). Za isti period, sezonski prilagođeni promet u području I – Hotelijerstvo i ugostiteljstvo bilježi rast od 3,5%, i najveći rast desezoniranog prometa od 13,9% zabilježen je u području N Administrativne i pomoćne uslužne djelatnosti.

Kalendarski prilagođeni ukupan promet ostalih uslužnih djelatnosti u prvom kvartalu 2024. godine bilježi rast od 12,8% u odnosu na prvi kvartal 2023. godine (Tabela 8), i u području I - Hotelijerstvo i ugostiteljstvo, bilježi rast od 19,6% za isti period. Najveći rast kalendarski prilagođenog prometa zabilježen je u području N Administrativne i pomoćne uslužne djelatnosti, od 22,0%. U ukupnom prometu ostalih uslužnih djelatnosti najveće učešće od 48,8% ostvareno je u području J – Informacije i komunikacije, prema KD BiH 2010. Slijedi područje M - Stručne, naučne i tehničke djelatnosti u iznosu od 23,4 %, i učešće svih ostalih djelatnosti je 27,8%.

Tabela 8. Ostale uslužne djelatnosti, kvartalne stope promjena

	2021				2022				2023				2024			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Sezonski prilagođeni indeksi, Q/Q-1	3,9	4,5	10,3	-0,9	9,0	4,9	7,1	0,2	4,6	-0,3	4,1	-0,4	9,1			
Kalendarski prilagođeni indeksi, Q/Q-4	-2,0	22,3	23,5	17,9	23,3	25,0	22,0	22,6	16,9	12,1	8,9	7,5	12,8			


Izvor: Federalni zavod za statistiku

2.6. Turizam

Ukupan broj noćenja turista u prvom kvartalu 2024. godine iznosio je 384.149 što je za 0,7% više u odnosu na prvi kvartal 2023. godine, a u odnosu na četvrti kvartal 2023. godine manje je za 23,2%. U prvom kvartalu 2024. godine učešće domaćih turista u noćenjima je 34,8%, a stranih turista 65,2%.

⁶ Jedinice posmatranja ostalih uslužnih djelatnosti⁶ su su poslovni subjekti sa glavnom (pretežnom) djelatnošću u oblasti H53 - Poštanske i kurirske djelatnosti i područjima I – Djelatnosti pružanja smještaja te pripreme i usluživanja hrane (hotelijerstvo i ugostiteljstvo); J – Informacije i komunikacije; M – Stručne, naučne i tehničke djelatnosti (isključujući granu 70.1 i oblasti 72 i 75) i N – Administrativne i pomoćne uslužne djelatnosti. Prati se promet u redovnoj kvartalnoj periodici. Promet obuhvata vrijednost svih prodatih usluga i roba na tržištu u bez obzira na to jesu li naplaćene i nezavisno od toga od koje djelatnosti je ostvaren. Iz prometa se isključuje porez na dodanu vrijednost (PDV), prodaja osnovnih sredstava, te drugi vanredni i finansijski prihodi. Metodološka osnova: <https://fzs.ba/wp-content/uploads/2017/11/Metodolosko-uputstvo-Kvartalni-indikator-za-ostale-usluzne-djelatnosti.pdf>

Grafikon 10: Broj noćenja turista



Izvor: Federalni zavod za statistiku

Tabela 9. Noćenje turista, indeksi, Q/Q-4 (poređenje sa istim periodom prethodne godine)

	2021				2022				2023				2024			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Ukupno	80,9	642,9	236,9	251,3	174,9	199,9	123,9	130,6	120,1	125,3	117,8	110,5	100,7			
Domaći	137,7	388,2	98,3	163,7	120,7	135,1	99,0	122,8	101,9	103,0	103,4	103,4	102,4			
Strani	51,2	1.398,8	687,7	358,7	250,9	253,4	135,5	135,0	132,3	135,1	122,7	114,1	99,7			

Izvor: Federalni zavod za statistiku

2.7. Zaposlenost


Pozitivna kretanja u periodu od 2021. do 2024. godine na tržištu rada su nastavljena, uprkos skromnom rastu ekonomske aktivnosti i padu industrijske proizvodnje. U periodu od prvog kvartala 2021. do prvog kvartala 2024. godine, broj zaposlenih lica se povećao za 4,8%, dok je broj nezaposlenih lica manji za 17,0%.

Prema administrativnim podacima, u FBiH u prvom kvartalu 2024. godine u prosjeku je bilo registrovano 542.678 zaposlenih lica. U odnosu na prethodni kvartal, broj zaposlenih se smanjio za 2.689 lica ili za 0,5%, dok je u poređenju sa istim kvartalom prethodne godine, broj zaposlenih porastao za 5.870 ili za 1,1%.

Prosječan broj nezaposlenih⁷, u prvom kvartalu 2024. godine, iznosio je 266.928 lica. U odnosu na prethodni kvartal, broj nezaposlenih lica se smanjio za 5.583 ili za 2,0%. U poređenju sa istim kvartalom prethodne godine, broj nezaposlenih je manji za 16.980 ili za 6,0%.

⁷ Administrativni podaci broja zaposlenih i nezaposlenih prema evidenciji FZS i FZZZ.

Grafikon 11: Administrativni podaci broja zaposlenih, nezaposlenih i promjene u odnosu na isti kvartal prethodne godine




Izvor: Federalni zavod za statistiku

Prema anketnim podacima, stopa aktivnosti u prvom kvartalu 2024. godine iznosi 49,1%, što je za 0,3 p.p. manje u odnosu na prethodni kvartal. U poređenju sa istim kvartalom prethodne godine, stopa aktivnosti je veća za 1,6 p.p.

Stopa zaposlenosti, u prvom kvartalu 2024. godine, iznosila je 41,6%, što je za 0,6 p.p. manje nego u prethodnom kvartalu. U poređenju sa istim kvartalom prethodne godine, stopa zaposlenosti je veća za 1,3 p.p.

Stopa nezaposlenosti je iznosila 15,2%, i u poređenju sa prethodnim kvartalom se povećala za 0,8 p.p. U odnosu na isti kvartal prethodne godine, stopa nezaposlenosti se povećala za 0,1 p.p.


Grafikon 12: Stopa aktivnosti, stopa zaposlenosti i stopa nezaposlenosti (desna skala); anketni broj zaposlenih, nezaposlenih i neaktivnih osoba (u hiljadama – lijeva skala)



Izvor: Federalni zavod za statistiku

2.8. Plate

Grafikon 13: Iznos neto, bruto i realne plate



Izvor: Federalni zavod za statistiku

Trend rasta plata nastavljen je i u prvom kvartalu 2024. godine.


Prosječna mjesečna neto plata u martu iznosila je 1.335 KM, dok je prosječna bruto plata iznosila 2.078 KM. U poređenju sa istim periodom prošle godine, neto plata je veća za 5,5%.

Realna plata⁸ za mart 2024. godine iznosila je 1.057 KM, i u odnosu na isti period prethodne godine veća je za 4,5%. U prosjeku neto i bruto plate su rasle mjesečno po stopi od 0,8%, dok je realna plata mjesečno rasla po stopi od 0,2% (grafikon 13).

3. CIJENE

Tokom prvog kvartala 2024. godine u FBiH je zabilježen trend blagog porasta potrošačkih cijena. U martu 2024. godine cijene su u prosjeku porasle za 0,9% u odnosu na mart prethodne godine, dok su odnosu na decembar 2023. godine zabilježile rast od 1,0%. Posmatrano po odjeljcima koji imaju najveću relativnu važnost, u martu 2024. godine zabilježen je pad cijena hrane za 0,2%, te energije za 6,2%, dok su cijene transporta porasle za 1,1% u odnosu na mart prethodne godine. Posmatrano u odnosu na prethodni mjesec, u januaru 2024. godine cijene su u prosjeku porasle za 0,2%, u februaru 2024. za 0,6%, te u martu za 0,2%.

Grafikon 14: Kretanje indeksa potrošačkih cijena (CPI)*




Izvor: Federalni zavod za statistiku

*Lijevo – promjene u odnosu na isti kvartal prethodne godine (posljednji mjesec u kvartalu, 2015 = 100)

Desno – promjene u odnosu na prethodni mjesec (2015 = 100)

⁸ Neto plata prilagođena stopi inflacije, izračunata pomoću indeksa potrošačkih cijena (CPI bazna godina 2015.)

Grafikon 15: Kretanje cijena proizvođača industrijskih proizvoda




Izvor: Federalni zavod za statistiku

Cijene proizvođača industrijskih proizvoda u martu 2024. godine su u prosjeku zabilježile pad od 3,0% u odnosu na isti mjesec prethodne godine. Prema industrijskim grupacijama, pad cijena zabilježen je kod energije za 7,7%, intermedijarnih proizvoda za 5,3%, te kapitalnih proizvoda za 0,4%, dok je porast cijena zabilježen kod trajnih i netrajnih proizvoda za široku potrošnju za 1,9% i 2,5% respektivno.

4. TRGOVINSKA RAZMJENA FBIH SA INOZEMSTVOM

Federacija BiH je tokom prvog kvartala 2024. godine zabilježila neznatan pad obima vanjske trgovine u odnosu na prethodni kvartal. Ukupan izvoz u prvom kvartalu 2024. godine iznosio je 2,6 mlrd. KM, što je manje za 84,9 mil. KM ili za 3,2%, dok je ukupan uvoz smanjen je za 91,3 mil. KM ili 1,9%.


Grafikon 16: Obim vanjske trgovine Federacije BiH sa inostranstvom (mil. KM)



Izvor: Federalni zavod za statistiku

Posmatrano po zemljama sa kojima FBiH ostvaruje najveći udio robne razmjene, u prvom kvartalu 2024. godine najviše je izvezeno u Njemačku (492,0 mil. KM), što je za 11,9 mil. KM ili 2,5% više u odnosu na prethodni kvartal. Povećanje izvoza zabilježeno je i na tržištu Slovenije (za 11,8 mil. KM ili 5,8%) i na kraju prvog kvartala iznosi ukupno 218,3 mil. KM. Smanjenje izvoza u prvom kvartalu 2024. godine zabilježeno je prema Hrvatskoj (za 10,0 mil. KM ili 2,6%), Austriji (za 8,2 mil. KM ili 2,8%), Srbiji (za 74,0 mil. KM ili za 26,7%) i Italiji (za 22,4 mil. KM ili 11,7%).

Grafikon 17: Izvoz i uvoz FBiH po zemljama sa kojima se ostvaruje najveći obim vanjskotrgovinske razmjene



Izvor: Federalni zavod za statistiku

Ukupan uvoz Federacije BiH u prvom kvartalu 2024. godine iznosio je 4,8 mlrd. KM, što je u odnosu na prethodni kvartal manje za 91,3 mil. KM ili 1,9%. Najveći uvoz FBiH u prvom kvartalu 2024. godine ostvaren je iz Italije u vrijednosti od 660,1 mil. KM, što je u odnosu na prethodni kvartal manje za 69,4 mil. KM ili 9,5%. Uvoz iz Njemačke u prvom kvartalu 2024. godine ostvaren je u vrijednosti od 624,8 mil. KM i u odnosu na prethodni kvartal manji je za 3,4 mil. KM ili 0,5%,

U odnosu na prvi kvartal prethodne godine, ukupan izvoz smanjen je za 354,63 mil. KM ili 12,0%, dok je ukupan uvoz povećan za 124,2 mil. KM ili 2,6%. Posmatrano po zemljama u odnosu na isti kvartal prethodne godine, izvoz u Njemačku u prvom kvartalu 2024. godine smanjen je za 46,2 mil. KM ili 8,6%, u Austriju za 54,3 mil. KM ili 16,0%, te u Hrvatsku za 90,7 mil. KM ili 12,0%.

Uvoz iz Italije je u odnosu na isti kvartal prethodne godine veći za 22,6 mil. KM ili 3,5%, iz Njemačke veći za 56,1 mil. KM ili 9,9%, iz Kine veći za 51,2 mil. KM ili 13,0%, dok je uvoz iz Hrvatske smanjen za 107,9 mil. KM ili 26,6%.


5. FISKALNA POLITIKA

5.1. Prihodi od indirektnih poreza

Ukupno raspoređeni prihodi od indirektnih poreza FBiH u prvom kvartalu 2024. godine iznose 1,139 mil. KM, što je više za 335 mil. KM ili 42% u odnosu na prethodni kvartal, a 117 mil. KM ili 11,5% više u odnosu na isti kvartal prethodne godine.

Od ukupnih prihoda za FBiH, namjenjena sredstva za otplatu vanjskog duga iznose 227 mil. KM, a sredstva akciza za izgradnju autocesta i drugih cesta iznose 53 mil. KM, što je na skoro istom nivou kao u istom kvartalu prethodne godine.

Grafikon 18: Prihodi od indirektnih poreza doznačeni FBiH, mil. KM



Izvor: Uprava za indirektno oporezivanje BiH

5.2. Prihodi od direktnih poreza

Kvartalni podaci pokazuju trend kontinuiranog rasta iznosa ukupnih javnih prihoda. Prema podacima Porezne uprave FBiH, u prvom kvartalu 2024. godine naplaćeni su javni prihodi u ukupnom iznosu od 1.945,3 mil. KM, što je više za 58,2 mil. KM ili 3,1% u odnosu na prethodni kvartal, a 167,9 mil. KM ili 9,4% više u odnosu na isti kvartal prethodne godine.

Od ukupno naplaćenih javnih prihoda, najveći udio imaju prihodi od doprinosa⁹ (67,1%). Ukupni doprinosi u prvom kvartalu 2024. godine iznose 1.305,9 mil. KM, što predstavlja pad za 34,2 mil. KM ili 2,6% u odnosu na prethodni kvartal, dok u odnosu na isti kvartal prethodne godine bilježe rast za 122,5 mil. KM ili 10,4%.


Prihodi od direktnih poreza¹⁰ iznose 412,7 mil. i viši su u odnosu na prethodni kvartal za 74,3 mil. KM ili 21,9%, i bilježe rast za 24 mil. KM ili 6,2% u odnosu na isti kvartal prethodne godine.

Prihodi od taksi, naknada, kazni i članarina iznose 226,7 mil. KM i, u odnosu na prethodni kvartal viši su za 17,2 mil. KM ili 8,2% u odnosu na prethodni kvartal. Također, bilježe rast za 22,7 mil. KM ili 11,1% u odnosu na isti kvartal prethodne godine.

⁹ Doprinosi za PIO, doprinosi za zdravstveno osiguranje, doprinosi za slučaj nezaposlenosti.

¹⁰ Porez na dohodak, na dobit, porez na promet nepokretnosti, porez na imovinu


Grafikon 19: Prihodi od direktnih poreza u FBiH, mil. KM



Izvor: Porezna uprava FBiH

U prvom kvartalu 2024. godine u strukturi prihoda od doprinosa najveći udio imaju prihodi od doprinosa za PIO (56%), a iznose 733,8 mil. KM. U strukturi prihoda od direktnih poreza najveći udio imaju prihodi od poreza na dohodak (46%), a iznose 189,6 mil. KM. Rast prihoda od poreza na dohodak je ujedno imao najveći rast (12,5%), što znači da je isti najviše uticao na rast ukupnih prihoda od direktnih poreza.

Grafikon 20: Isplaćene penzije i doprinosi za PIO (hilj. KM), pokrivenost penzija doprinosima za PIO (%), desna skala



Izvor: Federalni zavod za PIO/MIO, Porezna uprava FBiH

Poredeći iznos isplaćenih penzija i naplaćenih doprinosa za PIO/MIO, primjetan je sve veći nedostatak u pokrivenosti penzija doprinosima. U prvom kvartalu 2024. godine pokrivenost je iznosila -14,4%, odnosno deficit u iznosu od 122,9 mil. KM, dok je u prethodnom kvartalu


pokrivenost iznosila -8,0%, odnosno deficit u iznosu od 64,7 mil. KM. Isplaćene penzije bilježe rast, a ujedno naplaćeni prihodi od doprinosa bilježe pad, što je rezultiralo povećanju jaza. Broj penzionera je na istom nivou kao i u prethodnom kvartalu, što znači da je rast u isplaćenim penzijama prouzrokovan rastom pojedinačnih penzija. U istom kvartalu prethodne godine ovaj jaz je iznosio 76,4 mil. KM. U narednom periodu možemo očekivati daljnji porast broja penzionera i povećanje potrebnih sredstva za isplatu penzija.

5.3. Udio javnih prihoda i prihoda od poreza u BDP-u

Udio prihoda od indirektnih poreza¹¹ u BDP-u u 1. kvartalu 2024. godine iznosio je 14,54%, a u istom kvartalu prethodne godine 14,00%.

Udio ukupnih javnih prihoda¹² u BDP-u u 1. kvartalu 2024. godine iznosio je 24,84%, što predstavlja blagi rast u odnosu na isti kvartal prethodne godine kada je iznosio 24,35%. Obzirom da doprinosi čine najveći dio javnih prihoda, njihov udio u BDP-u iznosi 16,67%, dok prihodi od direktnih poreza čine 5,27%, a prihodi od taksi, naknada, kazni i članarina 2,89% BDP-a.

Grafikon 21: Udio prihoda u FBiH u BDP-u, %



Izvor: UIO, PUFBIH, FZS

¹¹ Ukupno raspoređeni prihodi FBiH.

¹² Prihodi od direktnih poreza, taksi, naknada, kazni, članarina i doprinosa.

6. FINANSIJSKO TRŽIŠTE

6.1. Profitabilnost banaka

Profitabilnost bankarskog sektora u FBiH, kao i pojedinačnih banaka u sektoru, posmatra se u kontekstu održivosti, odnosno stabilnosti nivoa i kvaliteta zarade i jačanja kapitalne osnove putem zadržane dobiti. U 1. kvartalu na nivou bankarskog sektora u FBiH iskazan je pozitivan finansijski rezultat u iznosu od 174,3 mil. KM, što je za 39,5 mil. KM ili 29% više u odnosu na isti period prethodne godine. Sve banke sa sjedištem u FBiH iskazale su pozitivan finansijski rezultat.

Grafikon 22: Neto dobit banaka u FBiH, hilj. KM




Izvor: Agencija za bankarstvo FBiH

6.2. Efektivna kamatna stopa

Ukupna prosječna ponderisana efektivna kamatna stopa (EKS) na novoodobrene kredite u prva tri mjeseca 2024. godine u bankarskom sektoru FBiH iznosila je 3,69%, što predstavlja blagi pad za 0,02 p.p. u odnosu na isti period prethodne godine.

Grafikon 23: Prosječna ponderisana EKS na novoodobrene kredite u FBiH




Izvor: Agencija za bankarstvo FBiH

Posmatrano prema sektorskoj strukturi, prosječna ponderisana EKS¹³ na ukupne novoodobrene kredite privredi povećana je za 0,14 p.p. (sa 2,54% na 2,68%), dok je stanovništvu povećana za 0,29 p.p. (sa 6,45% na 6,74%).

6.3. Krediti

Ukupni odobreni krediti sa 31.03.2024. godine iznose 18 mlrd. KM, što predstavlja povećanje za 497 mil. KM u odnosu na kraj 2023. godine. Krediti odobreni stanovništvu iznose 8,9 mlrd. KM, a pravnim licima 9,1 mlrd. KM, što predstavlja povećanje za 201,7 mil. KM i 295,3 mil. KM u odnosu na kraj 2023. godine respektivno.

Posmatrajući prethodne dvije godine, bilježi se blagi rast iznosa ukupnih kredita, uz konstantan odnos kredita datih stanovništvu i pravnim licima.



Izvor: Agencija za bankarstvo FBiH

6.4. Koncentracija bankarskog tržišta


Nivo koncentracije bankarskog tržišta je pokazatelj stepena konkurentnosti u bankarskom sektoru. CR je pokazatelj koncentracije u bankarskom sektoru i predstavlja ukupno učešće najvećih banaka u sektoru.¹⁴ Zabilježeno je smanjenje koncentracijske stope tržišnog učešća pet najvećih banaka (CR5) za 0,2 p.p. u odnosu na kraj 2023. godine.

Najveći skok u koncentraciji zabilježen je u četvrtom kvartalu 2022. godine, kada je smanjen broj komercijalnih banaka sa 14 na 13.

¹³ Prilikom analize trenda kamatnih stopa, relevantno je pratiti kretanje prosječne ponderisane EKS, obzirom da uključuje sve troškove koje korisnik plaća.

¹⁴ Koncentracijska stopa CR se označava prema broju banaka koje se uključuju u izračun, npr. CR 5. Ne postoji jedinstven i općeprihvaćen stav o interpretaciji dobivenih rezultata koncentracijskog omjera. Ako je veća vrijednost, veća je koncentracija tržišta.


Grafikon 25: Koncentracija bankarskog tržišta



Izvor: Agencija za bankarstvo FBiH

Koncentracija kredita bilježi blagi rast. Herfindahlov indeks koncentracije u odnosu na kraj 2023. godine povećan je za 14 jedinica i pokazuje umjerenu koncentraciju.¹⁵ Koncentracija kredita u prvom kvartalu 2023. godine iznosila je 1.343, što je ujedno i najveća koncentracija kredita u posmatranom periodu.

Grafikon 26: Herfindahlov indeks (kreditu)



Izvor: Agencija za bankarstvo FBiH

¹⁵ Ako je vrijednost indeksa manja od 1000, smatra se da na tržištu nije prisutna koncentracija, za vrijednost indeksa između 1000 i 1800 da je na tržištu prisutna umjerena koncentracija, a za vrijednost iznad 1800 da postoji visoka koncentracija.